

FEEM TUAV HAUJ LWM MUAB KEV PAB CUAM FAB KEV TXHIM KHO

1215 O Street, MS 8-30
Sacramento, CA 95814
TTY: 711
(833) 421-0061



Lub Kaum Hli Ntuj Tim 7, 2021

XA RAU: COV THAWJ TSAV COJ KEV LIS HAUJ LWM RAU LUB CHAW
LIS HAUJ LWM NYOB RAU CHEEB TSAM

YAM HAIS TXOG: KEV ROV TSIM TSA KEV MUS PW HAV ZOOV, KEV UA SI LOM
ZEM FAB SIM NEEJ THIAB LWM COV KEV PAB CUAM RAWLS LI
TSHOOJ CAI TEEV 4648.5 NYOB HAUV TSAB KEV CAI TUAV
KEV TXHAWB KEV MUAJ NOJ MUAJ HAUS THIAB CHAW
KHIAV HAUJ LWM

Txij Lub Xya Hli Ntuj Tim 1, 2021, muaj ntau yam kev hloov pauv raws li tshooj cai teev 4648.5 nyob hauv Tsab Kev Cai Tuav Kev Txhawb Kev Muaj Noj Muaj Haus Thiab Chaw Khiav Hauj Lwm (W&I) tau rov tsim tsa neeg khiav hauj lwm rau tej chaw lis hauj lwm pab cheeb tsam los mus tawm peev muab kev pab cuam rau kev tawm mus pw hav zoov thiab tej nyiaj them rau kev ntoj ncig uas cuam tshuam; cov dej num kev tawm mus ua si lom zem fab sim neej; kev pab cuam kev kawm ntaub ntawv rau cov me nyuam muaj hnuv nyoog peb txog rau 17 xyoo, suav nrog rau, cov neeg muaj hnuv nyoog, thiab tej kev kho uas tsis cuam tshuam rau kev kho mob, suav nrog, tiam sis tsis txwv rau, kev mus so ua si tshwj xeeb, kev ua yeeb yam, kev seev cev, thiab suab paj nruag. Cov chaw li hauj lwm pab cheeb tsam tau txais kev coj qhia los mus tuav cov kauj ruam tseem ceeb los mus ceeb toom rau lawv lub zej zos hais txog kev hloov pauv raws li tshooj cai teev 4648.5 nyob hauv Tsab Cai Tuav W&I.

Feem Tuav Hauj Lwm Muab Kev Pab Cuam Fab Kev Txhim Kho (Feem Tuav Hauj Lwm) yuav kom cov chaw lis hauj lwm pab cheeb tsam muab cov ntaub ntawv muab kev qhia paub los pab cuam cov neeg khiav hauj lwm txuas ncauj lus thiab tsim tsa kev tawm mus cuag cov neeg thov kev pab, cov tsev neeg, cov chaw muab kev pab cuam thiab cov koom haum muab kev pab zej zos hauv cheeb tsam los pab muab kev paub hais txog kev muaj cov kev pab cuam no. Kev tawm mus cuag thiab kev faib qhia cov ntaub ntawv muab kev qhia paub yuav mus cuag tau cov tib neeg thiab cov tsev neeg uas yuav tsis tau siv los dua cov kev pab cuam hom no los sis lwm cov kev pab cuam yuav siv nyob rau hauv qhov chaw lis hauj lwm pab cheeb tsam, tiam sis yog cov tau txiaj ntsig los ntawm kev tau txais cov kev pab cuam no. Nyob rau kev txhim kho cov dej num kev tawm mus cuag, cov chaw lis hauj lwm pab cheeb tsam yuav tsum xyuas cov kev nqis tes khiav hauj lwm uas yuav txhawb ntxiv kev paub tau thiab muab tau kev faib qhia cov ntaub ntawv muab kev qhia paub rau cov neeg hais tsis tau Lus As Kiv thiab cov zej zos uas muaj ntau haiv neeg nyob. Cov neeg khiav hauj lwm txuas ncauj lus muab kev pab cuam yuav tau tsom rau cov kev pab cuam rov tsim tsa uas muaj los no

“Kev Tsim Tsa Kev Sib Koom Tes, Cov Kev Xaiv Rau Kev Txhawb Nqa”

COV THAWJ TSAV COJ KEV LIS HAUJ LWM RAU LUB CHAW LIS HAUJ LWM NYOB
RAU CHEEB TSAM

Lub Kaum Hli Ntuj Tim 7, 2021

Nplooj ntawv ob

thiab cov kev xav tau ntawm cov neeg thov kev pab uas cuam tshuam nyob rau ncuaj sij hawm tsa rooj sib tham txog Phiaj Xwm Khoos Kas Pab Tib Neeg, kom haum raws li tshooj cai teev 4646(a) nyob hauv Tsab Cai Tuav W&I.

Txhua lub chaw lis hauj lwm pab cheeb tsam yuav tsum tau xa lub phiaj xwm tawm mus cuag tuaj rau Feem Tuav Hauj Lwm. Tsis tag li ntawv, txhua lub chaw lis hauj lwm pab cheeb tsam yuav tsum tau kho dua nws cov kev cai tswj kev yuav qhov kev pab cuam (POS), yog tsim nyog, txhawm rau kom haum raws li qhov kev tawm peev pab kev rov tsim tsa rau cov kev pab cuam thiab txhawb kev ua kom raug raws li qhov kev hloov pauv nyob rau hauv tsab kev cai thiab xa cov ntaub ntawv mus rau Feem Tuav Hauj Lwm txhawm rau muab kev tshawb xyuas thiab tso cai. Lub phiaj xwm kev tawm mus cuag thiab cov kev cai tswj POS uas kho dua tshiab yuav tsum xa rau Feem Tuav Hauj Lwm tsis dhau Lub Kaum Ob Hlis Ntuj Tim 15, 2021.

Feem Tuav Hauj Lwm yuav txhais tsab ntawv no ua cov hom lus uas muaj neeg yuav siv thiab yuav muab tso tshaj tawm ua tsab txhais tas thiab tsab ua Lus As Kiv rau hauv peb lub vas sab. Yog tias koj muaj lus nug hais txog tsab ntawv no, thov tiv tauj rau koj Tus Neeg Txuas Lus Tseem Ceeb los sis Lub Chaw Hauj Lwm Tuav Kev Khiav Hauj Lwm Pab Zej Zos tau ntawm (833) 421-0061.

Ua tsaug ntau,

Thawj Qhov Kos Npe Los Ntawm:

ERICA REIMER SNELL

Tus Lwm Thawj Tsav Coj

Feem Hauj Lwm Muab Kev Pab Cuam Zej Zos

theej xa mus rau: Lub Chaw Lis Hauj Lwm Nyob Rau Cheeb Tsam
Cov Thawj Tsav Coj Chaws Lis Hauj Lwm Pab Cheeb Tsam Muab
Kev Pab Cuam Rau Cov Neeg Thov Kev Pab
Cov Thawj Tsav Coj Tuav Kev Pab Cuam Rau Zej Zog Ntawm Lub
Chaw Lis Hauj Lwm Hauv Cheeb Tsam
Cov Koom Haum Sawv Cev Rau Lub Chaw Lis Hauj Lwm Hauv
Cheeb Tsam Lub Koom Haum Muab Kev Pab